



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's Affairs

**Broj: 06-11-23524-7/22**  
**Sarajevo, 16.08.2022. godine**

Na osnovu čl. 64. stav 1. tačka (b) i 70. st. 1, 3. i 6. Zakona o javnim nabavkama BiH („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za javne nabavke („Službeni glasnik BiH“, broj 103/14), čl. 58. i 68. stav (1) Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), na preporuku Komisije za javne nabavke broj: 06-11-23524-5/22 od 15.08.2022.godine, u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2022. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), nabavka broj 06-11-23524/22 od 13.06.2022. godine, obavještenje o nabavci objavljeno na Portalu javnih nabavki pod brojem: 920-1-1-3-3-6/22 na bosanskom i na engleskom jeziku i sažetak obavještenja u „Službenom glasniku BiH broj 39/22, Tenderska dokumentacija objavljena na Portalu javnih nabavki, Ministar za boračka pitanja Kantona Sarajevo, donosi

## **ODLUKU**

**o izboru najpovoljnijeg ponuđača za javnu nabavku:**  
**Nabavka, transport i isporuka građevinskog materijala**  
**za pripadnike boračke populacije Kantona Sarajevo za 2022. godinu**  
**Otvoreni postupak uz primjenu E-aukcije**  
**JRJN: 44100000-1 (Građevinski materijali i pridruženi artikli)**

### **Član 1.**

**Prihvata se preporuka Komisije za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2022. godinu broj: 06-11-23524-5/22 od 15.08.2022. godine i Okvirni sporazum za predmetnu javnu nabavku dodjeljuje se ponuđaču „PENNY PLUS“ d.o.o. Sarajevo, ponuda broj: 06-11-29730/22 od 01.08.2022. godine, za ponuđenu cijenu nakon provedene E-Aukcije u iznosu 1.380.000,00 KM bez PDV-a, odnosno 1.614.600,00 KM sa PDV-om.**

### **Član 2.**

Prijedlog Okvirnog sporazuma o nabavci dostavit će se na potpis izabranom ponuđaču „Penny plus“ d.o.o. Sarajevo po protoku roka od 15 dana, računajući od dana od kada su svi ponuđači obaviješteni o izboru najpovoljnijeg ponuđača. Sastavni dio Okvirnog sporazuma će sačinjavati i specifikacija ponuđenih roba iz ponude izabranog ponuđača Penny plus d.o.o. Sarajevo sa traženim okvirnim količinama i cijenama umanjenim za



15,29%, u skladu sa članom 8. stav (3) Pravilnika o uslovima i načinu korištenja E-Aukcije („Službeni glasnik BiH“, broj 66/16).

Po osnovu zaključenog Okvirnog sporazuma, sa izabranim ponuđačem će se zaključivati posebni ugovori po osnovu pojedinačnih specifikacija.

Izabrani ponuđač Penny plus d.o.o. Sarajevo će u uz svaki pojedinačni ugovor dostaviti garanciju za uredno izvršenje ugovora u roku i na način propisan tenderskom dokumentacijom.

### Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

### Član 4.

Ova Odluka objavit će se na web-stranici Ministarstva za boračka pitanja Kantona Sarajevo [www.mbp.ks.gov.ba](http://www.mbp.ks.gov.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

### Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

## O b r a z l o ž e n j e

Postupak javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2022. godinu pokrenut je Odlukom o pokretanju postupka broj: 06-11-23524/22 od 13.06.2022. godine.

Obavještenje o javnoj nabavci broj: 920-1-1-3-3-6/22 objavljeno je na Portalu javnih nabavki na bosanskom i na engleskom jeziku kao i sažetak obavještenja u Službenom glasniku BiH 39/22.

Krajnji rok za dostavljanje ponuda iz obavještenja i tenderske dokumentacije je 01.08.2022. godine u 10.00 sati.

Javno otvaranje ponuda je zakazano za 01.08.2022. godine u 11.00 sati.

Komisija za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo imenovana Rješenjem ministra broj: 06-11-23581/22 od 09.06.2021. godine je dana 01.08.2022. godine u 11.00 sati izvršila javno otvaranje ponuda po otvorenom postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2022. godinu.

Zapisnik o otvaranju ponuda je u zakonskom roku upućen svim učesnicima postupka na adresu.

Prilikom otvaranja ponuda utvrđeno je da su blagovremene ponude dostavila ukupna dva ponuđača sa ponuđenim cijenama kako slijedi:

Redni broj	Ponuđač	Vrijednost ponude (bez PDV-a)	Vrijednost ponude sa popustom bez PDV-a	Popust	Vrijednost ponude sa popustom sa PDV-om
1.	Senigor d.o.o. Sarajevo Ponuda broj: 06-11-29724/22	1.749.407,47 KM	2.046.806,74 KM	0%	2.046.806,74 KM
2.	Pennyplus d.o.o. Sarajevo Ponuda broj: 06-11- 29730/22	1.629.126,33 KM	1.906.077,81 KM	0%	1.906.077,81 KM



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-012, Fax: + 387 (0) 33 562-251

Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

Nakon javnog otvaranja ponuda, Komisija za predmetnu javnu nabavku je na zatvorenoj sjednici pristupila pregledanju i ocjeni pristiglih ponuda.

Evaluacijom blagovremeno pristiglih ponuda ponuđača Penny plus d.o.o. Sarajevo i Senigor d.o.o. Sarajevo utvrđeno je slijedeće:

Analizom ponude ponuđača Penny plus d.o.o. Sarajevo Komisija za predmetnu javnu nabavku je utvrdila da je dostavljena ponuda potpuna i ispunjava sve uslove postavljene u tenderskoj dokumentaciji.

Analizom ponude ponuđača Senigor d.o.o. Sarajevo Komisija za predmetnu javnu nabavku je utvrdila da je dostavljena ponuda potpuna i ispunjava sve uslove postavljene u tenderskoj dokumentaciji.

Na osnovu naprijed navedenog u skladu sa tačkom 2.7 tenderske dokumentacije zakazana je E-Aukcija za dan 15.08.2022. godine u 10.00 sati u trajanju od 20 minuta.

Okončanjem E-Aukcije, od strane Agencije za javne nabavke BiH dostavljen nam je Izvještaj o uspješno provedenoj E-Aukciji.

Analizom dostavljenog Izvještaja utvrđeno je da su oba ponuđača učestvovala na E-Aukciji, te da je po okončanju iste utvrđena konačna rang lista ponuđača kako slijedi:

1. Ponuđač Penny plus d.o.o. Sarajevo – konačna cijena nakon E-Aukcije iznosi: 1.380.000,00 KM
2. Ponuđač Senigor d.o.o. Sarajevo – konačna cijena nakon E-Aukcije iznosi: 1.385.000,00 KM

U skladu sa konačnim ponuđenim cijenama ponuđača nakon okončane E-Aukcije, Komisija je zauzela stav o prihvatanju ponuđene cijene ponuđača Penny plus d.o.o. Sarajevo u iznosu 1.380.000,00 KM bez PDV-a, odnosno 1.614.600,00 KM sa PDV-om.

Na osnovu naprijed navedenog, Komisija za predmetnu javnu nabavku je dostavila preporuku ministru kao predstavniku ugovornog organa o izboru ponuđača Penny plus d.o.o. Sarajevo sa ponuđenom cijenom 1.380.000,00 KM bez PDV-a, odnosno 1.614.600,00 KM sa PDV-om i zaključivanje Okvirnog sporazuma.

Po osnovu zaključenog Okvirnog sporazuma, sa izabranim ponuđačem će se zaključivati posebni ugovori o nabavci, transportu i isporuci građevinskog materijala na način kako je predviđeno tenderskom dokumentacijom, odnosno ponuđač će za svaki posebni ugovor u okviru Okvirnog sporazuma biti u obavezi u roku od 7 (sedam) dana dostaviti garanciju za uredno izvršenje ugovora u visini 10% od vrijednosti pojedinačnog ugovora sa rokom važenja 30 dana od dana potpisivanja pojedinačnog ugovora + 30 dana.

Ukoliko izabrani ponuđač propusti dostaviti garanciju, takav ugovor će se smatrati apsolutno nevažećim.

Prema zapisnicima, preporuci i izvještaju dostavljenim od strane Komisije za javnu nabavku u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2022. godinu, ocijenjeno je da je postupak blagovremeno proveden, te da je izbor prvorangiranog ponuđača „Penny plus“ d.o.o. Sarajevo izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.



Iz navedenih razloga, primjenom člana 64. stav 1. tačka b) Zakona o javnim nabavkama BiH, te člana 58. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), odlučeno je kao u članu 1. ove Odluke.

## POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

1. Ponuđačima X2;
2. Evidenciji;
3. a/a.

